



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

### RESOLUCIÓN DE ALCALDÍA

**Asunto:** APROBACIÓN DAS BASES QUE REXERÁN O "IV CERTAME PARTICIPATIVO DE ENTROIDOS. LaxEntroido2025.

**Expte. Admvo. Núm.:** 2025/X999/000006

**Expte. Decreto Núm.:** 2025/G003/000097

#### **Antecedentes:**

Vista a proposta que formula a concelleira de comercio, hostalaría, turismo e cultura, para a celebración do certame: "IV CERTAME PARTICIPATIVO DE ENTROIDOS. LaxEntroido2025" que literalmente se transcribe:

**"BASES REGULADORAS DO IV CERTAME PARTICIPATIVO DE ENTROIDOS. LaxEntroido2025.**

#### **INTRODUCCIÓN**

Coa finalidade de seguir contribuíndo á dinamización, promoción e diversificación do entroido no noso Concello, propoñemos a celebración desta cuarta edición do certame, no que poderá participar toda a poboación, sexa esta menor ou maior de idade.

Nesta edición, o principal cambio vén dado polas dificultades atopadas pola organización nas súas edicións anteriores, ó tentar constituír un "xurado popular" de persoas seleccionadas aleatoriamente de entre o público asistente para realizar a votación dos entroidos. Este ano 2025, a valoración será realizada por membros da Charanga "Santa Compañía" que actuará durante esta celebración.

#### **1.- OBXECTO:**

De conformidade co previsto na Lei 38/2003 de subvencións, constitúe o obxecto das presentes bases, a regulación do **IV Certame de Entroidos do Concello de Laxe** e a entrega de premios deste, que este ano celebrábase o **sábado 1 de marzo do 2025, no Pavillón polideportivo municipal, a partir das 18.30 horas.**

#### **2.- PARTICIPANTES.**

Poderán ser beneficiarios dos premios previstos nas presentes bases, **todas as persoas físicas, así como as agrupacións de persoas informais e as entidades xurídicas xa constituídas ou que se constituán, coa finalidade de participar activamente na celebración do entroido de Laxe o vindeiro sábado 1 de marzo de 2025**, sempre e cando formalicen a súa inscrición segundo os requisitos de tempo e forma que se citarán no apartado 3º destas bases.

Tal e como dispón a Lei 38/2003, de 17 de novembro, xeral de subvencións, serán requisitos tamén:

- Non estar incurso en ningún dos casos previstos no artigo 13.2 da Lei xeral de subvencións.
- Non ter co Concello débedas ou sancións tributarias en período executivo, salvo que se trate de débedas ou sancións tributarias que se atopen aprazadas, fraccionadas o cuxa execución estivese suspendida.
- Non ter pendente de xustificar subvención concedida polo Concello.

Aquelas persoas menores de idade ou que non teñan plena capacidade de obrar que desexen participar deberán facelo sempre coa preceptiva autorización do titular da patria potestade ou tutela, segundo modelo de solicitude de participación anexo a estas bases.

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

### 3.- PUBLICIDADE, MODALIDADES DE PARTICIPACIÓN E PRAZOS DE INSCRICIÓN.

**3.1. PUBLICIDADE.** Unha vez aprobadas as presentes bases e a súa convocatoria por Resolución da alcaldía, serán obxecto de publicación íntegra no taboleiro de anuncios da sede electrónica do Concello de Laxe.

Así mesmo, as bases publicaranse tamén na páxina web municipal e nas canles de redes sociais e WhatsApp municipal, estando dispoñibles no Taboleiro de anuncios da Casa do Concello durante o período de inscrición para a súa consulta.

**3.2. AS MODALIDADES DE PARTICIPACIÓN NO CERTAME** son as seguintes:

a) CATEGORÍA COMPARSA (grupos de 4 ou máis persoas).

**3.3. OS PRAZOS DE INSCRICIÓN ABRANGUEN** dende o día seguinte da publicación destas Bases no Taboleiro de anuncios da sede electrónica ata as 12.00h do día 28/02/2025.

De maneira excepcional, o Concello de Laxe habilitará un breve período de inscrición o mesmo día da celebración do certame, en horario de 16.00 a 17.00 horas no andar baixo da Casa do Concello.

**3.4. MODALIDADES PARA TRAMITAR A INSCRICIÓN:**

**a) PRESENCIAL.** Entregando a correspondente folla de inscrición do certame de xeito presencial no Rexistro Xeral da Casa do Concello, que poderá tanto descargarse da páxina web do Concello de Laxe ou solicitala nas Oficinas Xerais da Casa do Concello, tal e como consta no ANEXO I destas bases, xunto cun orixinal ou copia do seu DNI.

**b) TELEMÁTICA.**

b.1. Mediante a realización dun trámite de solicitude xeral a través da Sede Electrónica Municipal e achegando como anexo a folla de inscrición do certame deste ano 2025.

b.2. Presentando a documentación para ser remitida ó Concello de Laxe, en calquera oficina de Rexistro municipal, sen prexuízo do establecido no artigo 16.4 da Lei 39/2015, de 1 de outubro, do procedemento administrativo común das administracións públicas.

c) POR CORREO POSTAL. Sempre e cando a inscrición se faga de maneira certificada e se adiante copia da solicitude de inscrición debidamente selada, na oficina de correos que corresponda, ó enderezo electrónico [cultura@concellodelaxe.com](mailto:cultura@concellodelaxe.com) dentro do prazo de inscrición establecido.

### 4.- REQUISITOS DOS ENTROIDOS PARA PARTICIPAR NO CERTAME.

A persoa e/ou grupo de persoas que se inscriba/n, deberá/n comprometerse como mínimo a:

**4.1. PARTICIPAR NO DESFILE DE COMPARSAS** que se realizará o sábado 1 de marzo de 2025 a partir das 17.30 horas dende a Casa do Concello e que rematará aproximadamente ás 18.30 h. no Pavillón polideportivo municipal. A orde no desfile poderá ser determinada polo Concello de Laxe e comunicárselle ás persoas que realicen a inscrición antes do comezo do desfile.

A organización resérvase o dereito de suspensión ou modificación da data e hora de celebración cando as circunstancias así o aconsellen.



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

**4.2. IDENTIFICARSE ANTES DO COMEZO DO CERTAME E SUBIR Ó ESCENARIO** que habilite o Concello de Laxe no momento en que se lle/s convoque, **REALIZANDO UNHA BREVE REPRESENTACIÓN/ESPECTÁCULO** que poderá ser con ou sen música, de carácter teatral, circense, etc.. e que, en todo caso, **non superará os 5 minutos.**

AS COMPARSAS QUE PRECISEN MÚSICA GRAVADA PARA O ESPECTÁCULO, DEBERÁN ENTREGALA NO DPTO. DE CULTURA EN FORMATO MP3 ANTES DAS 12.00 H. DO VENRES 28 DE FEBREIRO DO 2025, podendo remitila tamén, dentro deste prazo, ó enderezo electrónico [cultura@concellodelaxe.com](mailto:cultura@concellodelaxe.com) (non se recollerá música fóra do prazo de inscrición nin tampouco o propio día do concurso).

**No seu defecto, todos os participantes desfilarán coa música que dispoña a organización.**

**4.3. PERMANECER Ó REDOR DO ESPAZO ESCÉNICO E/OU ESCENARIO ATA O REMATE DO CERTAME E ENTREGA DE DIPLOMAS E AGASALLOS.**

A orde de participación durante a celebración do certame será determinada pola organización municipal en función das inscricións realizadas. As carrozas serán situadas nas inmediacións do lugar de celebración do certame, no lugar que no mesmo día se indique polo persoal da organización.

Evitarase a utilización de calquera tipo de elemento pirotécnico ou calquera outro que poida implicar risco para a vida e seguridade das persoas.

Evitarase o uso de disfraces ou a realización de actuacións que poidan resultar ou ter carácter ofensivo para outras persoas. En ningún caso, a organización se fará responsable dos contidos das letras, parodias ou disfraces das persoas e grupos participantes.

No caso de que durante a construción, organización e/ou posterior desenvolvemento do desfile e certame se causen danos a terceiros, a responsabilidade que se derive, será asumida solidaria e integramente polos inscritos como participantes no concurso que formen parte de dito grupo, comparsa ou carroza.

## 5.- DO XURADO E DAS VOTACIÓNS.

O xurado estará composto por 3 persoas seleccionadas pola “Charanga SANTA COMPAÑA” de entre os seus membros, e que, sempre que sexa posible, serán alleas ó Concello de Laxe para tratar de garantir a máxima obxectividade e imparcialidade durante o proceso das votacións.

Tras o desfile e a actuación dos entroidos, grupos de cada unha das tres categorías, as persoas sentadas na “zona do XURADO do LaxEntroido”, **emitirán o seu voto de forma individual** en folla de votación facilitada pola organización do Certame, ás persoas que individualmente, en pequeno grupo ou comparsa, presenten **as vestimentas máis lucidas e vistosas** deste entroido e que realizasen as mellores actuacións desta edición.

Será tido en conta **tamén o esforzo na preparación dos disfraces, así como a calidade das súas actuacións** realizadas sobre o escenario. As puntuacións a outorgar oscilarán entre o 1 e os 10 puntos, entendendo que a menor puntuación, peor é a calidade, vistosidade, esforzo de elaboración e calidade da actuación.

**Persoal designado polo Concello de Laxe será quen se encargue de facer o reconto dos votos emitidos polo xurado do Certame.**

**O resultado do mesmo, darase a coñecer no mesmo día en que se celebre este**, unha vez conclúa o proceso de reconto das votacións.

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

Durante a semana seguinte á proclamación dos premiados, emitirase **acta de reconto das votacións emitidas durante o Certame emitida pola Concelleira de comercio, hostalaría, turismo e cultura, que será remitida á alcaldía para que por Resolución, se aprobe a relación definitiva de persoas e agrupacións de persoas premiadas na edición do Certame participativo de entroido deste ano.**

**OS RESULTADOS DO CERTAME** compartiranse tanto no taboleiro de anuncios da Casa do Concello, así como na **páxina web e canles de comunicación municipais habituais do Concello de Laxe**, en formato de cadro-resumo das votacións, identificando ós entroidos e comparsas gañadoras co nome artístico co que se inscribiron para participar neste Certame.

### 6.- DO PREMIO.

A concesión dos premios, farase pública o mesmo día do desfile, unha vez concluído o proceso de reconto de votacións emitidas polas tres persoas do xurado.

Os premios outorgaranse a instancia do solicitante con cargo á partida orzamentaria 2025.334.480.00 do orzamento municipal do exercicio 2024, prorrogado para o exercicio de 2025, mediante procedemento de concorrencia competitiva.

De forma inicial, o premio consistirá na **ENTREGA DUN DIPLOMA E DUN VALE** que **DARÁ DEREITO Á REALIZACIÓN DUNHA ESTANCIA NOS LOCAIS DA HOSTALARÍA DO CONCELLO LAXE PARA A/S PERSOA/S GAÑADORA/S POR UN IMPORTE MÁXIMO EQUIVALENTE Ó PREMIO OBTIDO** segundo a categoría na que resulte gañadora cada persoa e grupo de persoas, e que deberá de ser recollido de maneira presencial o mesmo día de celebración do certame.

#### **OS PREMIOS A OUTORGAR SON OS SEGUINTE:**

1º Posto de Comparsas LaxEntroido2025: 250€

2º Posto de Comparsas LaxEntroido2025: 150€

3º Posto de Comparsas LaxEntroido2025: 100€

**A PERSOA PREMIADA DEBERÁ ABOAR EN PRIMEIRA INSTANCIA, O CUSTO TOTAL DA/S COMPRA/S REALIZADAS** polo importe equivalente ó premio outorgado polo Concello de Laxe, salvo que esta acorde cos locais hostaleiros o pagamento posterior, unha vez que o importe do premio sexa ingresado mediante transferencia bancaria na conta da/s persoa/s gañadoras por parte do Concello de Laxe:

- En todo caso, o importe a aboar polo Concello de Laxe, ascenderá como máximo ó importe outorgado pola Resolución de alcaldía coa que se conclúa o procedemento de outorgamento de premios.
- No caso de que a persoa gañadora presente unha factura por importe menor ó do importe do premio outorgado, o Concello de Laxe procederá á minorización do pagamento ata o importe da factura presentada.
- No caso de que a persoa premiada presente unha factura por maior importe debido á mellora das condicións do premio outorgado, en todo caso, e salvo causas de forza maior, o Concello de Laxe procederá a ingresar o importe do premio outorgado na Resolución de conclusión do procedemento das votacións.

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706 903

Fax: 981 728 025 – E-mail: [correo@laxe.es](mailto:correo@laxe.es)

Para facer efectivo o **PAGAMENTO DO PREMIO**, a persoa ou persoas gañadoras, deberán presentar no Concello de Laxe a seguinte documentación:

- **INSTANCIA DE SOLICITUDE DE PREMIO** que deberá de solicitarse nas oficinas xerais ou descargar da páxina web do concello de laxe, sinalando o número de conta bancaria no que o Concello de Laxe lle reembolsará o importe de dita/s factura/s e que, en ningún caso, superará o importe máximo outorgado do premio, segundo o modelo facilitado no ANEXO II.
- **ORIXINAL OU COPIA COTEXADA DO SEU DNI.**
- **ORIXINAL DA/S FACTURA/S QUE LLE SERÁN EXPEDIDAS NOS LOCAIS DA HOSTALARÍA DO CONCELLO DE LAXE** en que decida inverter o importe do premio outorgado.
- **CERTIFICADO DE TITULARIDADE DA CONTA BANCARIA NA QUE SE REALIZARÁ O INGRESO.**

No caso dos **MENORES DE IDADE OU PERSOAS CON DISCAPACIDADE**, será a nai/pai ou titor/a quen tramitará a solicitude, debendo presentar documento que acredite dita representación.

No suposto de ser unha **ASOCIACIÓN OU ENTIDADE CON PERSONALIDADE XURÍDICA**, a persoa solicitante deberá acreditar o poder ou nomeamento para actuar en nome e representación da entidade.

No suposto de **PREMIOS COMPARTIDOS POR UNHA PLURALIDADE DE PERSOAS**, o pago poderá ser repartido a partes iguais entre un máximo de 5 persoas que formasen parte do grupo ou comparsa premiada, sempre que a persoa que realizou a inscrición do grupo ou comparsa, achegue unha relación nominal das persoas integrantes, a presentar segundo o ANEXO 3 das presentes bases, e que todas estas persoas cumprisen co disposto nestas bases e que achegasen a documentación requirida para a solicitude do premio, DNI e certificado de titularidade da conta bancaria.

No caso de non achegar esta documentación, o importe total do premio imputaráselle na súa totalidade ao representante ou representantes a partes iguais.

**A presentación da citada documentación, poderá facerse tanto de xeito presencial como de xeito telemático**, a través da sede electrónica municipal, sendo en todo caso **O PRAZO MÁXIMO DE SOLICITUDE DO PREMIO o día 31.03.2025.**

No caso de non tramitarse a solicitude en tempo e forma, salvo casos de forza maior, o Concello de Laxe entenderá que a persoa ou grupo de persoas que resultaron premiadas no certame desisten do mesmo.

**Os premios concedidos aos beneficiarios, serán publicados na plataforma da Base de Datos Nacional de Subvencións e comunicados á Axencia Estatal Tributaria**, tal e como requira a lexislación vixente que resulte de aplicación.

### **7.- DATOS PERSOAIS E DEREITOS DE IMAXE.**

**Os datos persoais recollidos na inscrición, serán empregados, unicamente, coa finalidade de xestionar e executar este certame.**

**O/s nome/s e apelidos da/s persoa/s gañadora/s, así como as fotografías tomadas das persoas no momento da recollida e entrega dos diplomas e premios do certame, faranse públicos para o seu xeral coñecemento** tanto ós medios de comunicación locais como a través dos medios de comunicación e redes sociais dependentes do Concello de Laxe, previa autorización da persoa/s gañadora/s outorgada a través da mesma folla de inscrición. De acordo co Regulamento da Unión Europea 2016/679, do 27 de abril de 2016,

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)

relativo á protección de datos das persoas físicas e á libre circulación deses datos, así como coa Lei Orgánica 3/2018, de 5 de decembro, de protección de datos persoais e garantía dos dereitos dixitais, os datos persoais facilitados para a participación no concurso, serán incorporados en ficheiros dos que é responsable o Concello de Laxe. Estes datos serán tratados de xeito totalmente confidencial e serán usados exclusivamente para os fins expresados.

Se desexa exercer os **seus dereitos de acceso, rectificación, oposición ou cancelación** dos seus datos persoais que figuran nos nosos rexistros, por favor, solicíteo escribindo un correo electrónico a [cultura@concellodelaxe.com](mailto:cultura@concellodelaxe.com) ou enviando unha carta ó noso enderezo postal indicado na cabeceira do documento.

**A organización realizará reportaxes fotográficas dos diferentes momentos do desfile e certame que serán publicadas e compartidas nas redes sociais e canles de comunicación habituais.**

### **8.- ACEPTACIÓN DAS BASES.**

A inscrición e participación neste certame, implica a total aceptación destas bases.

#### **DISPOSICIÓN ADICIONAL PRIMEIRA**

No non previsto nestas bases será de aplicación a Lei 38/2003 de subvencións, a Lei 39/2015 de procedemento administrativo común das administracións públicas, regulamento xeral de subvencións a Lei reguladora das bases do réxime Local e a Lei de facendas locais.

#### **DISPOSICIÓN ADICIONAL SEGUNDA**

A Corporación municipal, coa finalidade de mellorar a organización e desenvolvemento deste día de entroido e certame, poderá realizar algunha modificacións sobre as presentes bases, se ben estes cambios, faranse públicos antes do inicio do desfile das comparsas e entroidos ou durante a celebración da festa de comparsas, se fose o caso.

En Laxe, na data da sinatura dixital.

A Concelleira Delegada de Comercio, Hostalaría, Turismo e Cultura,

Raquel Lema Allo.-

**CONCELLO DE LAXE (A CORUÑA)**

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)**ANEXO I****IV CERTAME PARTICIPATIVO DE ENTROIDOS. LaxEntroido2025.****FOLLA DE SOLICITUDE DE PARTICIPACIÓN**

DATOS DA PERSOA QUE REALIZA A INSCRICIÓN		
Nome		
Apelidos		
DNI		
Enderezo		
Localidade		
Teléfono/s	E-mail	
Nome Artístico		
Número de compoñentes		
Nome a apelidos da/s persoas que participan no certame		
Datos da actuación	MÚSICA	
Título da canción Breve descrición e/ou composición		
Outros detalles a salientar		

En Laxe, .....de febreiro do 2025.

Sinatura da persoa que realiza a inscrición	
Sinatura da nai/pai ou titor/a (só no caso de menores de idade)	
Nome e apelidos da nai/pai ou titor/a (só no caso de menores de idade)	
DNI da nai/pai ou titor/a (só no caso de menores de idade)	

**CONCELLO DE LAXE.-**

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)





## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)

### ANEXO II

#### IV CERTAME PARTICIPATIVO DE ENTROIDOS. LaxEntroido2025.

#### INSTANCIA DE SOLICITUDE DE PREMIO

DATOS DA PERSOA GAÑADORA DO PREMIO E/OU REPRESENTANTE:					
Nome:					
Apelidos:					
DNI:					
Número de teléfono:					
Correo electrónico:					
Enderezo a efectos de notificacións postais:	CP:		Concello:		Provincia:

#### **EXPOÑO:**

- Que resultei premiada/o na 3ª edición do Certame participativo de entroidos deste 2025 na categoría \_\_\_\_\_.

- Que eu e/ou a entidade que represento me atopo ó corrente das obrigas tributarias coa AEAT, co Concello e coa Seguridade Social, na miña calidade de premiado/representante legal/representante do grupo de veciños e titular da conta bancaria asociada ao premio, e que non estou ou está afectada por ningún dos supostos de incapacidade ou incompatibilidade para a percepción de axudas ou subvencións públicas.

- Que despois de ter aproveitado o premio outorgado polo Concello, achego FACTURAS emitida polos locais de hostalaría do Concello de Laxe nos que realicei os gastos do premio por un importe de \_\_\_\_\_ €, así como DNI e certificado de titularidade da conta bancaria outorgado polo Concello de Laxe e que me acredita como persoa gañadora de dito certame, tal e como se recollía nas bases d a convocatoria.

#### **SOLICITO:**

Que o Concello de Laxe proceda a realizar o pago polo importe total da factura entregada en concepto de PREMIO DESFRUTADO no NÚMERO IBAN DA CONTA BANCARIA da que achego certificado de titularidade.

#### **DOCUMENTACIÓN QUE ACHEGA:**

DNI

CERTIFICADO DE TITULARIDADE BANCARIA

FACTURA

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)





## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)

### CLÁUSULA DE PROTECCIÓN DE DATOS DE CARÁCTER PERSOAL

Conforme ó establecido na Lei Orgánica de Protección de Datos de Carácter Persoal e en cumprimento da normativa de protección de datos, en particular do Regulamento (UE) 2016/679, do Parlamento Europeo e del Consello, de 27 de abril de 2016, informámoslle de que os datos persoais proporcionados, son confidenciais e forman parte dos ficheiros titularidade do CONCELLO DE LAXE, coa finalidade de xestionar a iniciativa IV CERTAME PARTICIPATIVO DE ENTROIDOS. LaxEntroido2025 e/ou outras campañas e/ou iniciativas que o concello considera que podan resultar do seu interese.

En calquera caso, poderá exercer os seus dereitos de acceso, rectificación, supresión, portabilidade, limitación do tratamento e oposición previstos na la normativa mediante escrito dirixido ó CONCELLO DE LAXE, situado na Av. Cesáreo Pondal núm.26, 15117- Laxe (A Coruña).

- Consinto no tratamento dos meus propios datos persoais contemplados no presente documento coas finalidades sinaladas neste.

SI DOU O MEU CONSENTIMENTO

NON DOU O MEU CONSENTIMENTO

En Laxe, a ..... de ..... do 2025.-

Asdo.:

**CONCELLO DE LAXE.-**



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)

### ANEXO III

#### IV CERTAME PARTICIPATIVO DE ENTROIDOS. LaxEntroido2025.

#### INSTANCIA PARA A DESIGNACIÓN DE REPRESENTANTES NA SOLICITUDE DE PREMIOS COLECTIVOS

DATOS DA PERSOA GAÑADORA DO PREMIO E/OU REPRESENTANTE:					
Nome:					
Apelidos:					
DNI:					
Número de teléfono:					
Correo electrónico:					
Enderezo a efectos de notificacións postais:	CP:		Concello:		Provincia:

#### EXPOÑO:

- Que a agrupación que represento, denominada co nome artístico:  
.....

resultou premiada na 3ª edición do Certame participativo de entroidos deste 2025 na categoría.....

- Que dentro da agrupación, designamos de común acordo, como representantes e receptores do premio, que será repartido de maneira equitativa, a:

1. \_\_\_\_\_, con DNI \_\_\_\_\_

2. \_\_\_\_\_, con DNI \_\_\_\_\_

3. \_\_\_\_\_, con DNI \_\_\_\_\_

4. \_\_\_\_\_, con DNI \_\_\_\_\_

5. \_\_\_\_\_, con DNI \_\_\_\_\_

#### SOLICITO:

Que o Concello de Laxe teña en conta esta designación á hora de proceder ó pagamento do mencionado premio.

En Laxe, a ..... de ..... de 2025.

Asdo.: .....

**CONCELLO DE LAXE.-“**

Documento electrónico asinado dixitalmente cuxa integridade garántese mediante cotexo na Sede Electrónica do Concello de Laxe co Código de Verificación Dixital (CVD) especificado á marxe.  
(artigo 18.1.b da Lei 11/2007, de 22 de xuño, de acceso electrónico dos cidadáns aos Servizos Públicos)



## CONCELLO DE LAXE (A CORUÑA)

Avda. Cesáreo Pondal, núm. 26 – CP 15117 – Teléfono: 981 706903

Fax: 981 728 025 – E-mail: [correo@laxe.es](mailto:correo@laxe.es)

En consecuencia, esta Alcaldía, en virtude das atribucións conferidas pola normativa vixente,

### RESOLVE:

**PRIMEIRO E ÚNICO:** Aprobar a proposta da Concellería de Comercio, Hostalaría, Turismo e Cultura para a celebración do : **"IV CERTAME PARTICIPATIVO DE ENTROIDOS. LaxEntroido2025."**

Mándao e asíno en Laxe, na data da sinatura incluída á marxe, o alcalde, D. Francisco Charlín Orons, do que eu como secretaria dou fe.

O Alcalde

A secretaria

Francisco Charlín Orons.-

Begoña Carrasco García.-

**DOCUMENTO ASINADO ELECTRONICAMENTE**